

Dissertatio medica de thermis / [Carl Rockman].

Contributors

Rockman, Carl, -1707.
Roberg, Lars, 1664-1742.
Uppsala universitet.

Publication/Creation

Upsaliae : [publisher not identified], [1699]

Persistent URL

<https://wellcomecollection.org/works/zd4sq5n5>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

42600
16 15.
Q. F. F. Q. S.

DISSERTATIO MEDICA

DE

THER MIS,

QUAM

Cum consensu
Ampliss: Facult: Medicæ

Sub PRÆSIDIO

Clarisimi & Experientissimi

Doct: LAURENTII ROBERG,
Medic: Theoret: & Pract:
Professoris Ordinarii,

Publico examini submittit

S:Æ R:Æ M:TIS

ALUMNUS

CAROLUS ROCKMAN
SUDERMANNUS,

In Auditorio Gustav. majori die xx Maji horis solitis
UPSALIAE A.D. M DC XCIX.

2. Д. И. Д.

АДІОЗМ ОІТАТІВІСІ

на

ЗІМЯНІТ

42600

мак

Сін землю

запись Медея

запись



REGII COLLEGII MEDICI STOCKHOLMIENSIS

PRÆSIDI,

Generosissimo atq; Amplissimo Domino,

DOCT: URBANO HIERNE,

Archiatro Regis & Reginæ

Dignissimo.

Nobilissimo atque Amplissimo

DOCT: JOHANNI MARTINO
ROTHLÖBEN,

Archiatro Regio Celeberrimo.

Nec non Amplissimo ac Experientissimo

DOCT: LAURENTIO MICRANDRO

Urbis metropolitanæ Physico Meritissimo.

Ut & reliquis

Viris Nobilissimis Experientissimis Dominis,
MEDICINÆ DOCTORIBUS,
ASSESSORIBUS AMPLISSIMIS,
PRACTICIS FELICISSIMIS,
PATRONIS AC PROMOTORIBUS SUIS
omni animi observantiâ maximè colendis,

*Hoc qualemque ingenii specimen offert, dicat, simulq; se totum
commendat*

C. ROCKMAN.

Hans Rongl: May:ß

Tro-Tienare och Tullnår wid Nykörings stora Eöd-Tull/
Ahreborne och Högachtad

Herr O L O F X O C K M A N / Min Högtåhrade Kiäre Fader.

Frst jag then lyckan fåt på Pindi källar waga /
Eher Phœbus ingen känst och idrät månde spara ;
Jag då strax warse blef hwad gode thet med sig har /
När man bland Lärda Män förnöter sna daars ;
Ty then i theras känst bar lust sig låta lära /
Han kundskap får i alt han nånsin wil begåra.
År ock slätt intet til / som ei ransakas här /
Om Himmel, Haf och Lust / Berg-strefwor / och hwad mer.
Hwad torra Jorden gier / när wi then sköta / laga /
Och hwad osäilige gagn af Watuet wi här taga /
Om wi thet märctie grant ; i Theris sköte är
Fast mera än som os then blotta Jordens bär.
Ty skull' ei Medici thes låf så kunnat höja /
Om the ei hade sedt at Watuet giet et nöje /
Och huru krafftigt som et Bad sör hälson är /
Bad / thet hwart kreatur os dagli' bruka lär.
Om Turken än i dag / och Rom i fernia dagar
Skriß / at the wackra Bad them allmånt har behagat ;
Gördensel the ock så sin' Badstur ther til brachi /
At Tempel eller Slätt ei liknas wid thes vrache.
Hwad jag i forthet nu om Badstur hafwer skrisvit /
Och em thes rätta bruk / som mig wid handen gisvit
The lärda gamlas märt. Min Gar-kår endast är /
Then jag till rätta kan the slögder / som sag här
På Pindo hafwer lärdt / ty Gar-kår hafwer warit /
Som gjordt / at jag har fådt the saker så åhrfarit ;
Ty önskar jag : O GVD täcts mig then glädjen tec /
At jag i många daar får Gar-kår sunder see !!!

Min högtåhrade Kiäre Faders

Lyttski Son

C. ROCKMAN.



L. B. V.

E quem dissertationis hu-

Natus de Thermis inscriptio seducat, præmo-
neō, non hīc de omnis generis mihi, sed
vulgaribus solummodo lavationibus sermo-
nem futurum: nam ferinarum seu minera-
lium & medicatarum balnearum vires dilu-
cidare velle gravius esse meis viribus onus, & aliis relinquendū
tibicinibus lubenter agnosco. Primū autem gentium
quarundam instituta circa hanc rem, non tam meis quam au-
torum, quos sequor, verbis referam; deinde quæ de bal-
nearum in conservanda sanitate efficacia, variè vulgo dispu-
tantur, rationibus desumptis ex probatis artis medicæ Scripto-
ribus, explicare conabor. Verum à Lectore Benevolo du-
plici nomine ante omnia mihi petenda venia est; tum ut ne
propterea quod vulgare sit, statim & indignum Academica
ventilatione argumentum hocce judicet, cum etiam in vul-
garium horum præpostero usu, afflictæ valetudinis prima ini-
itia non raro latéant; tum ut ne succensere velit, si quid ali-
cubi, quod vel fusius enarrari, vel alio sensu melius dici de-
buisset, inveniatur, cum in paucas hasce pagellas multa con-
geri non potuerint, & labi in hisce rebus absque periculo li-
ceat. Initium itaque ab iis faciam, quæ de Balneis in genere
dicenda habeo, tum ea, quæ propiora nostro proposito sunt,
adjiciam.

A

Equidem

Evidem illos, qui de rerum inventoribus indagandis esse solliciti solent, circa balnearum originem non nisi frustraneam & supervacaneam suscepturos operam puto; neque enim facilius determinabitur, quis primus mortalium lavationes instituerit, quam quis vel agros colere, vel construere tecta, vel ab æstu ac frigore sese tueri cœperit; cum horum nullum magis vel necessarium, vel conveniens homini sit, quam abluere fôrdes, vel laflata laboribus corpora molli aquarum fotu reficere. Adeoque facile crediderim, vel inde usque ab inundationibus orbis terrarum, vel antea etiam, si tam altè temporum memoriam repetere libet, lavationes mortalibus, & frequenter quidem usurpatas fuisse. Illorum itaque assertionem non sequor, qui barbaras olim dictas Europæ gentes, non nisi postquam à Romanis devictæ fuerunt, unà cum reliquis cultioribus vitæ moribus, lavandi etiam consuetudinem accepisse putant.

Nisi forsitan id de magnificis illis publicarum thermarum ædificiis, non tam ad salubritatem vel usum, quam ad delicias & luxum; vel in memoriam & majestatem Principum, vel denique ad occupandum fascinandumque mobile & otiosum vulgus, exstructis institutisque intelligi velint. Quarum splendori, cum Romanarum rerum magnitudinem, ut in aliis rebus, sic præcipue in thermis cunctarum nationum miracula superasse glorietur Baccius in suo de Thermis Tractatu lib. 7. cap. 1, sicuti nihil quidquam detraho; ita luxum haud obscurè innuunt, quæ idem fatetur: ex magnificis, in thermis Imperatorum titulis patere, eos æternitatem nominis sui tanti operis magnitudine affectasse, vel eundem manifestius detegunt, quæ scribit Seneca epist. 86. *quod quisque pauper sibi videretur ac fôrdidus, nisi parietes balnearum magnis ac pretiosis orbibus resplisset; nisi Alexandrina marmora Numidicis crustis distincta fuissent; nisi illis undique opèrofa, & in pictura modum*

variata

variata circumlitio praetexta fuisset; nisi vitro condita came-
 ra; nisi Thasius lapis, quondam rarum in aliquo spectaculum
 templo, piscinas circumdedisset, in quas multa sudatione corpo-
 ra exinanita demitterent; nisi aquas argentea epistomia fudis-
 sent: Et paulò post: quantum, inquit, statuarum, quantum
 columnarum est nihil sustinentium, sed in ornamentum posita-
 rum, impensa causa; quantum aquarum per gradus cum fra-
 gore labentium? eò deliciarum pervenimus, ut nise gemmas
 calcare nolimus. Ut reticeam Neronis luxum, & quæ de He-
 liogabalo ex Lampridio citantur, nunquam in piscinis lavari
 solitum, nisi illæ croco aliisq; pretiosis ungventis perfusæ fu-
 issent; vel planè conspersis eo modo ad luxum, parietibus u-
 tebantur, ut, dum quis se parieti affricaret, quod facere sole-
 bant, ipsis sine ministris perungi liceret. Sed superfluas certè
 delicias, si quid aliud, pensiles balneæ clarè docent, de quibus
 Plinius lib. 26. c. 3. ubi Clephantum Medicum refert inter alia
 blandimenta, *suspensos lectulos excogitasse, & pensiles balneas,*
ut horum jactatu, aut morbos extenuaret, aut somnos alliceret.
 quod dum curiosius laudat Baccius, vereor, ne Lectori in ve-
 terum inventis admirandis nimius videatur. Si jam mente,
 inquit, concipias, videre hominem in balneo pensili, vel ægri-
 tudine debilem, vel voluptuosa vita gratia, cuius dulci tepore
 ac leni jactatu, & naniis, & dulci concentu tibiarum, somno &
 quieti indulgeretur, jam nihil poterit excogitari suavius. Sic-
 ut etiam otiosæ plebis Romanæ gratia à Principibus hæc ó-
 mnia instituta fuisse agnoscit Baccius, dum cap. 12. Per has, in-
 quid, delicias retrahebantur à vitiis animi, & otium, quod o-
 nnium malorum fomes est, tollebatur, seditiones arcebantur,
 & omnes populares corruptelæ. Idemque apertius cap. 7. vi-
 dissest tum frequentem civitatem, non secus ac hodie nos sole-
 mus sacras ecclesias festis sollennibus, frequentare thermas: alios
 ad sanitatem tuendam, alios ad oblectamenta tam animi quam

corporis capienda, pro celebritate illa populi, pro variarum rerum ac ludorum spectaculis, denique pro amoenitate loci deliciosissimi. Unde *Bathēas* idcirco dictas græca voce existimat D. Augustinus in Confessionibus, quod *Bathēas avias*, id est, quod anxietates tollat.

Sicut itaque, antiquis temporibus ad exercitia Romanis Martius campus sufficiebat, ita ad lavationes vicinum Tibur, in quo juventus post exercitium armorum sudorem pulveremque ablueret. Sed, quibus utebantur, balneola, non nisi angusta fieri & tenebricosa solebant; *Nec enim*, inquit Seneca, *majoribus nostris balneum calidum videbatur, nisi & esset obscurum.* Ita posteaquam spatiofas Thermas palæstris, hoc est, exercitationibus lavationes jungere in Italia cœperunt, paulatimque consuetudo singulis diebus easdem frequentare suscepta fuit, celeriter etiam ad reliquas provincias, quibus Romani imperarunt, mos idem per deductas colonias, & municipia pervenit: magnusq; ubiq; thermarum numerus exstrui cœpit; quæ corruente tandem vasto isto imperio partim civilibus bellis destruebantur, partim etiam posteritate in alios ritus & alia studia conversa, per negligentiam collapsæ fuerunt, manentibus tamen & sic tum alibi, tum in Italia præcipue, reliquiis in hunc usque diem, non sine omnium stupore, perdurantibus, operumque magnificentiam, tum inæstimabilem pulchritudinem ipsa suâ ruinâ docentibus. Multa, inquit Baccius lib. 7. cap. 3. occurrunt thermarum vestigia in Germania, in Gallia, in Britannia sed longe plura visuntur in Italia in quibus (vidi sèpius) per inscitiam etiam doctos viros obstupescere, alii theatra, alii Labyrinths, alii memorandas moles alicujus sepulchri jactantes. Et lib. 7. de Thermis Diocletianis scribens, quarum etiam ichnographiam tradit, quam, ni fallor, hinc desumptam, licet quibusdam omissis, suis inferuit de Architectura libris Serlius: *Diocletiana*, inquit, *thermae exactissimo*

3

fimo ordine atque amplissimo exstructæ fuerunt, in quarum o-
pus quadraginta millia Christianorum principem addixisse acce-
pimus. Et paulò post: *Haec cum integro ferme ædificio admi-
randæ permanerent hodie Cartusiensium monasterio sacræ à Pio
quarto Pontifice maximo sub titulo S. Mariae de Angelis magni-
ficè restaurantur, posito in ipsa Basilica disticho ad perpetuam
rei memoriam:*

*Quæ fuerant Thermae, nunc templum est virginis, auctor
Est Pius ipse pater, cedite delicia.*

Verum ut Thermarum magnificentiam aliis describen-
dam relinquamus, illa etiam, quæ super luxu immodico cor-
ruptisque istorum temporum per nimias opes felicitatemque
moribus, boni viri Seneca, Plinius & Plutarchus conquerun-
tur, prætereamus, illud hīc solummodo notamus: Romanos
& ab aliis accepisse hoc institutum, nec nisi serò admodum,
utpote paulò ante tempora Augusti Cæsaris, tum maximè flo-
rente architectura, imitatos esse: ob aquarum præcipue incom-
moditatem, quarum in colles, ubi tunc habitarunt Romani,
difficilis erat nec sine maxima impensa perductio. Huic
operi igitur ea, qua destinabant amplitudine perficiendo, non
nisi opibus divitiisque subjugatarum gentium Romam deriva-
tis, translatoque in Principes imperio sufficiebant. Plinius lib.
36. cap. 15. *Si quis, inquit, diligentius estimaverit aquarum ab-
undantiam in publico, balneis, piscinis, domibus, Euripis, hor-
ris, suburbanis vallis spatioque advenientis exstructos arcus,
monies per fossos, convalles aquatas, fatebitur, nihil magis
mirandum fuisse in toto orbe terrarum.* Et Baccius: *Romæ
quatuordecim fuerant aquæ ductus ex cocto latere ea latitudi-
ne ac profunditate, ut ferè eques ipso cum equo per eos pos-
set evadere.* Et de Agrippa, loco ante citato, Plinius: *Agrip-
pa, Augsti gener, in adilitate sua aquis aliis corrivatis atq;
emendatis & aliis noviter adductis lacus septingentos fecit,
præterea salientes (fontes) CV, castella C XXX, complura etiam*

cultu magnifica; operibus iis signa CCC ærea aut marmorea imposuit, columnas ex marmore CD eaque omnia annuo spatio: Quæ sic interpretatur Baccius: per lacus intelligo alveos brevi muro, in quibus aqua reciperetur, ut apud nos fontana lava- cra, fullonum stagna, jumentorum aquagia & hujusmodi pu- blica commoda. Fontes, qui primas & sinceras ex castello fun- derent aquas. Castella, certa aquæ ductuum receptacula ad mœ- nia & in viarum divertius, ubi aquarum facienda esset distri- butio.

Sicuti autem à Græcis, qui ante horum tempora opibus imperioque florentes, in thermarum tum magnificentia tum luxu nullis aliis modestiores fuerunt, Romani & ædificandi rationem & reliquum morem omnem acceperunt, quod, ut instituta alia taceam, vel ipsa Thermarum, Apodyterii, Laco- nici, Hypocausti aliarumque partium nomina sufficienter in- dicant; ita ad Græcos hunc cum luxu magnoque apparatu ac, ut ita dicam, tumultu lavandi morem ab Asiaticis, nomina- timque Persis, ante hos vastissimum orientis imperium possi- dentibus per contagium quasi emanasse, vel inde liquet, quod Alexander Macedonum rex, cum captâ regiâ Darii balneum ingrederetur, aquarumque ductus & hydrias & pelves, unguentorum odores & alabastros, cunctaque auro lita & miro ornamento instructa cerneret, ut insolita nec sibi ante visa & admiraretur primum, & post irrideret.

Antiquiores Afiae dominatus nunc nil moror, sed ex his omnibus tandem concludo, luxum in thermis immodi- cum quarundam quidem gentium inventum fuisse, ipsam tamen lavandi consuetudinem tum ob delicias, tum ob sanita- tem maximè conservandam omnibus orbis gentibus, & anti- quis temporibus frequentem fuisse, & in hunc usque diem æstimata in vigore quam maximè. Quod ut evincam, ad vim argu- mentationis meæ plurimum interest; utpote qui præter-

rationes,

rationes, quas ex Medicorum scriptis habeo, hunc præcipue consensum gentium evidenter ostendere putem', nihil esse balnei recto usu ad hominis tuendam valetudinem, vel convenientius, vel etiam magis necessarium.

Ad hanc verò lavationum antiquitatem ostendendam non multis repetam quæ tradunt auctores, idcirco calida balnea fuisse cognominata Herculea, quod Minerva olim fesso Herculi calida parasset lavacra, vel quod eidem Vulcanus muneric vice fervidam supposuerit. Nec urgeo quæ à Platone referuntur in Critia p. 562, Atlanticam olim insulam munere Neptuni tum alia varii generis delicia, etiam balnea habuisse omni cultu ornata, partim quidem sub divo patentia, partim verò sub te^cto calentia lavacra hyberno tempore, atque seorsim alia regibus privata, alia viris, alia mulieribus, alia etiam equis ceterisque jumentis. Homerus nobis sufficiet, cuius scriptis sicut nullum inter Poëtas antiquius adferre possum testimonium, ita quam fuerit rituum omnium ferè memoriā dignorum observantissimus, etiam in his rebus patet. Non moror quæ habet de lavaticne Veneris Odysl. lib. 8. *ad Cyprum pervenit, ridens Venus in Paphum, ubi illi lucus araque ture odorata, hic autem ipsam Gratiae lavarunt & unxerunt oleo immortali, ut Deos decet immortales, vestes autem induebant desiderabiles visu suspiciendas.* Potius referam quæ de Ulysse Iliados lib. 10. traduntur, unde patet hominibus, ut mundo corpore cænare possent, necessum fuisse, ut pulverem, & inter exercendum contractas sordes deponerent, exsiccatasq; Sole vel frigore rigentes corporis partes adtemperarent, istis præcipue temporibus & locis, ubi magna ex parte corpora nuda ferebant; & lineorum pannorum, qui corpora à solidie tacentur, usus, ut testantur auctores, vel non dum inventus aut saltem infrequens erat. *Ulysses, inquit Poëta, transfoßam egit unungulos equos, cachinnans simul autem ceteri ibant*

bant gaudentes Achivi, hi verò cum ad Thytide tentorium be-
nè strūctum venerunt, equos quidem allegarunt scite sectis lo-
ris præsepe ad equinum, ubi Diomedis equi stabant velocius dul-
ce triticum edentes, navis autem in puppi exuvias cruentas
Dolonis posuit Ulysses, ut sacrum pararent Minervæ, ipsi autem
sudorem multum abluerunt, mare ingressi tibiasque & collum
circaque femora, sed postquam ipsis unda maris sudorem mul-
tum abluit à corpore, & refrigerati sunt sub dilecto corde, in
labra ingressi benè polita loti sunt, sicque loti & uncti pingui
oleo jentaculo assidebant, exq; cratere Minervæ pleno haurientes
libarunt dulce vinum. Præterea lotiones & unctiones ante ci-
bum fieri solitas probant quæ de Ulyssis filio à Nestore ho-
spitio excepto refert Poëta Odyss. lib. 3. Interea verò Thelema-
cum lavit pulchra Polycaste Nestoris minima natu filia Nelei filii i
porro postquam lavit & unxit pingui oleo circa ipsum autem
indusium pulchrum jecit atque tunicam è lavacro exiit corpore
immortalibus similis apud Nestorem verò profectus refedit pasto-
rem populorum, hi verò (filii) postquam assarunt carnes exte-
riores & detraxerunt epulabantur sedentes, deinde viri for-
tes surgebant vinum infundentes in aureis poculis, ceterum
postquam potus & cibi desiderium amoverunt inter illos ser-
monem caput Gerenius eques Nestor, & quæ sequuntur. Quæ
de Ulyssis lavatione frigida Odyss: lib: 6 habentur, quoniam
paulò longiora sunt, hic ut pagellis parcam, non adscribo, &
ut taceam lavationes ad universi corporis elegantiam deco-
rationemque, ad ipsos etiam animi morbos, ut ita dicam, eas-
dem valere, diluendasque curas mœstitiamq; docet Poëta Od:
lib. 8. ipsum scilicet Ulyssem è vestigio ancilla lavari jussit in
lavacrum ubi conscendisset ille verò libenter vidi animo calida
lavaca quoniam neutiquam curatusque frequentarat ex quo
reliquit domum Calypsus pulchricome. Interea ei cura tanquam
Deo perpetua fuerat, hunc postquam ancille lavarunt & unxe-

runt oleo circa ipsum Chl̄nam pulchram jecerunt atq; tunicam, ex labro egressus ad viros vini potatores ibat; Nausica autem a Diis pulchritudinem habens & quæ sequuntur. Item lavationem Ulyssis describens, cum esset in domo Circes: Ceterum postquam effebuit aqua in splendido abeno, in labrum me collocatum lavit ex tripode magno, s; uaviter fusa aqua per caput & humeros, ut mihi laborem animum rodentem demeret membris, porro postea lavit & unxit pingui oleo chl̄nam mihi pulchram circuminduit atque tunicam, collocavit autem me introductum ad thronum argenteum pulchrum fabrefactum, scabellum autem sub pedibus erat, aquam autem ancilla guttuno infundebat ferens pulchro aurato super argenteo lebete ad lavandum, juxta autem politam extendit mensam, & quæ sequuntur. Præterea etiam foeminas primis istis temporibus ad viros lavandos adhibitas fuisse, sicut & hodie nostris moribus hoc non indecorum habetur; licet illud in Græcia vel in Italia in desuetudinem postea propter frequentiorem, credo, in istis regionibus mulierum procacitatem abierit, docemur ex Odyss: lib: 19. ubi Penelope famulas ostert Ulyssi non dum recognito, ut layarent & ungerent, sed respondet prudens Ulysses: neq; mihi pelvis pedum amabilis in animo est, neque mulier pedem tanget nostrum harum, quæ in domo ministræ sunt, nisi aliqua vetula est antiqua prudentia sciens, qua toleravit tot mente quot ego, hanc non invideo tangere pedes meos. Deniq; non privatis vel quibusdam saltem lavationes in usu fuisse, sed maximè communis vulgoq; receptissimas, patet ex lib. 8. ubi Alcinous de gentis suæ moribus non pugiles, inquit, sumus inculpati, neq; luctatores, sed pedibus celeriter possumus currere, & navibus optimi sumus: semper autem nobis conviviumque gratum, ci zaraque, chorique, uestesque mutatoria, lavacraque calida & subilia.

Ostensa sic antiquitate lavationum antequam easdem & in hunc diem plurimis orbis gentibus frequentes esse probetur, pauca quædam & præcipua Romanorum in balneis instituta referam, quæque vel Baccius, vel qui eodem ferè tempore de eodem argumento scripsit Mercurialis, diffusius tractant, brevissime hic contraham: in eum præcipue finem, ut, si quid à nostris moribus discrepans & diversum Benevolo Lectori occurrat, occasionem de illa re judicandi nanciscatur.

Primo itaque loca balneum constituentia erant præcipue Frigida lavatio, Frigidarium, Tepidarium, Sudatio calida & Calida lavatio. Inserviebat autem Hypocaustum, Aquarium & Vasarium, quæ omnia loca, inquit Mercurialis, concamerata & fornicum modo fabricata fuissent, cognoscere possunt qui Romanarum thermarum reliquias contemplari voluerint.

Ad Frigidam lavationem frigidæ aquæ lavacra, quæ piscinæ & baptisteria nuncupabantur, pro natationis usu, tum ob æstatem, tum ob eos, qui frigidam lavationem omnitempore prosequabantur, ob valetudinem sive ob delicias; addit Baccius, ob exercitium, ut juvenes simul ad aquarum obeunda pericula exercearentur; & pag. 455. adeo prævaluit frigidarum usus, ut vix quidem aliis balneis uterentur; etiam Medicis id svadentibus; Galenus lib. x. Method. *Frigida lavatio totum corpus constringendo & constipando, vires durata cute firmat, non secus atque accidere solet calenti ferro, quod cum in frigidam mittitur, & refrigeratur & induratur.* Et Plin. lib. 29. c. 1. Carmis Misiliensis medicus damnatis prioribus Medicis ac balneis frigida lavari hybernis etiam algoribus persuasit; mersisque ægros in lacus. & Oribas. lib. 10. c. 20. Sæpe numero à cœna cum ægrè in somnum delabor propter æstum, in frigidam descendere consuevi, & mirabile est, quam jucundam noctem transigam. Hunc verò frigida lavandi more n. nostris

etiam

etiam aquilonaribus frequentem cum alii culpare soleant, adducam Nob: Ranzov. Producis Cimbriæ testimonium, qui in conserv. valetud. capite de Balneis scripsit: *Merentur laudem balnea subfrigida, quibus majores nostri uti consueverunt, in his membra non pedentim, sed universum corpus submergendum esse volunt nonnulli medici, quod mihi etiam probatur, si modo corpus non est antea exercitatione aliqua calefactum.* & paullo post: *Quamvis frigida lotio repentina horrorem incutiat non levem, videaturque homo totus corrigescere, multa tamen & magna commoda adfert.* & paulò post: *Ego sanè hanc lotionem sàpè adhibui posteaquam in Hieron. Cardani de aqua opusculum inciderem, & Celsi consilium de hac frigida lotione penitus cognoscerem.*

Sed revertor ad Romanorum balnea, ubi Frigidarium seu Apodyterium exstructum erat, ut è Tepidario & Calidario egressi frido aere frui possent, secundum Mercurialem. Hic loturi exuebantur, unde & nomen accepit, eratq; hæc pars in publicis balneis admodum vasta & cuivis pervia; unde Capsarii conducebantur, ut vestimenta lavandorum à furibus conservarent. De hoc loco Baccius: *Erat prima & nobilissima thermarum pars figura in quadrum oblonga ac hemicyclis quaqua facie distinctum, unde sapienter hæc pars proposita est pro prima porticu ecclesiæ à Michaële Angelo Bonaroto, & quæ sequuntur.*

Tepidarium annexum erat Frigidario, secundum Mercurialem, quanquam hoc cum Apodyterio seu Spoliatorio unum facit Baccius, quod utrumque obtigisse, nec uno eodemque modo semper exstructa fuisse hæc loca crediderim; hic exeuntes de frido seu calido loco tam diu morabantur, quousque ad alterum eorum citra noxam recipiendam sese disposuissent. Calidarium seu sudatio calida à Celso Laconicum dicitur; cella erat nullam aquam intra se continens, ad

provocandum sudorem potissimum instituta, de quo Baccius:
Hic vapores mixti hemisphaerium Laconici petentes sub cur-
vatura concamerati hujus ac rotundi loci, in tenuissimas con-
vertebantur aspergines, quae imbrium modo super capita eo-
rum, qui morabantur in Laconico, depluebant. Hunc tamen
 locum Celsus minus amoenum descripsit, dum assas sudatio-
 nes dixit, & siccum calorem ædificio hic inclusum exsiccare
 corpora; & Seneca, elixari ac examinari corpora dixit.

Calida lavatio seu cella calida labris aquæ continendæ positis
 referta, erat primaria balnei pars, & teste Baccio, duplex ma-
 gningudine ad cæteras cameras, lumen superius recipiens; hinc
 Statius: *Multus ubiq; dies radiis ubi culmina totis perforat Sol.*
 Et in Laurentinæ villæ descriptione Plinius ep. 17. l. 2. piscinam
 nominat, ex qua natantes mare prospiciant, & Seneca loc. cit.
nunc totius diei solem fenestris amplissimis recipiunt, ubi ex solio
agros & maria prospiciant. Hoc loco vasæ, quibus lavabantur,
 alia erant immobilia, ex lateribus vel marmore, adeoque
 magna, ut etiam in ipsis aliquo pacto natare concederetur,
 quæ verò moveri poterant, in privatis balneis ut plurimum
 erant quadrata, oblonga, rotundiuscula, ovali figura ex lapi-
 de, marmore, ære, ligno, quibus aqua variè temperata inerat
 seu continebatur, ut Seneca inquit ep. 86. *Hoc quoque ædiles*
fungebantur officio, ut intrarent ea loca quæ populum rece-
ptabant, exigerentque munditas & utilem ac salubrem tem-
peraturam. Et antiquos quidem mollibus ac moderatè calidis
 balneis usos fuisse referunt, post tamen calidissimas etiam in-
 pretio fuisse constat, hinc Statius: *Ubi alio Sol improbus uritur*
estu. Hinc etiam Seneca calorem dixit, incendio similem, nec
 quidquam interesse ardeat balneum an caleat, adeo quidem ut
 convictum in aliquo scelere servum vivum lavare oporteat.

Sequitur Hypocaustum, in quo describendo ero prolixior;
 si quid fortè in Romanorum institutis occurrere possit, quod ad
 nostrum

nostrum balnea calefaciendi modum aliquam emēdationem afferret. Est autem Hypocaustum minimè cum Laconico confundendum: nam fornax erat seu caminata structura subterranea Calidario, calidæ lavationi atq; Vafario supposita, in qua ad calefaciendum tum aquam tum prædicta loca ignis succédebat, & ne exstingveretur, à servis frequenter cum pilis & glomis pice illitis excitabatur. Hinc Statius in Baln. Etrusc:

crepantis,

*Auditura pilas, ubi languidus ignis inerrat
Ædibus, & tenuem volvunt hypocausta vaporem.*

Et Ausonius in Moseilla sic expressit:

*Quid quæ sulphurea substructa crepidine fumant
Balnea, ferventi cum Mulciber haustus operto
Volvit anhelatas tectoria per cava flamas,
Inclusum glomerans æstu exspirante vaporem.*

Et Plutarchus in Sympos. l. 3. probl. x. narrat; ædiles cavisse ne ignis balnearum ex olea succenderetur, neque in eum coniceretur Iolium, quod horum nidores gravedinem capitum & vertigines lavantibus invehant. Et de Græcis balneis Zvingerus, in iis tantam plerumque hominum cuiusq; ordinis turbam convolasse, ut balneatores pertasi æris, granum, quod vertigines facit carbonibus injicerent ut tædio odoris exirent. Et ex Senecæ ep. 90. tempestate sua inventos esse parietibus impressos tubos, per quos circumfunderetur calor, qui imam simile & summa foveret æqualiter, hinc Statius: *Siupet ipse beatas Circumplexus opes & parcius imperat ignis.* & Baccius: *vestigium antiquum tuborum ejusmodi parietibus impressorum visitur in sacrario S. Helenæ, qui sub opere tectorio quadrata forma 4 digitorum latitudine ac triplici conjuncti ordine ab imo hypocausto calores in supernas ædium partes deferre debebant, ex quibus mirum artificium illius seculi in fovendis ædibus intelligitur, ac mira in omni vita diversitas à nostris usibus.*

Et paulò post quasi indignatur desiisse illum morem, nos hodie inquit, onusti vestibus & quasi compedibus bracati ad cineres cubamus totos dies, unde otio & strictura vestium torpescimus, fumo oculis lèdimur, mente ac omnibus sensoriis languescimus. Sed & notanda videntur, quæ addit paulò post: Unum tamen damnum adferre potuerunt illis temporibus, illa hypocaustrorum per quasque ædium partes frequentia quod crebra ac tam vasta inducebant incendia. & lib. 4. cap. 4. Vapores igniculi à communi quodam subiectoque hypocausto usque quaç perduci consueverunt, per exiguos tubos fistiles ad omnes ædium partes etiam sub via & sub xistis ac viridariis ad principales ædes, nec aliam ob caussam credo tam crebra & tam vasta apud illos antiquos accidisse incendia, nisi ex fomite (fuligine aliqua oppletis tubis) vaporeg, adeo continuo familiarig, per omnes ædes, quale sub Tito Romæ accidit, cum urbis tertia pars igne consumeretur.

Aquarium cella erat calidæ lavationi atq; calidario annexa, in qua alveus magnus ædificatus erat, ad continendam aquam ex aqueductibus & aliunde inventam atq; in frigidam lavationem & calidam per fistulas corriyandam, de quibus Baccius lib. 7. c. 9. Occulti canales erant, vel fistulae intra parietes occultæ, quæ in camera balnearum, ubi opportunis locis essent epistomia, infundebant aquas, ut recens semper veluti ex fonte per cameras transcurreret; de quibus eleganter ut Poetam decet, Statius in lib. 1. Sylv:

- - - argento felix propellitur unda,
Argentoque cadit labrisque nitentibus instat
Delicias mirata suas, & abire recusat.

Vasarium non longè ab hac situm, ubi vasæ conservabantur balneorum servitiis necessaria, & ubi aqua pro ipsis calefiebat, de quo Vitruvius lib. 5. c. 10, *Abenea vasæ super hypocauustum tria composita fuisse, unum Calidarium, alterum Tepidarium, tertium Frigidarium, & ita collacata, uti ex Tepidario*

pidario in Calidarium quantum aquæ calidae exiisset, influeret;
 de Frigidario in Tepidarium ad eundem modum. Unde inquit
 Baccius lib. 7. c. 9, planum fit artificium, quomodo ad commu-
 nem usum & que innumerabili populo sufficeret tanta aqua-
 rum copia calefieret, & ex vasis suppeditaretur in balneas. In
 quem finem Senecam citat, qui ad Lucilium epist. asserit, con-
 strui solitum in ipsis milliariis (erant ænea vel plumbea vasæ
 maximi aheni instar) dracones, qui erant fistulata vasa tubæ
 instar, ære tenui, per declive milliaro circumdata, ut aqua
 dum ad os draconis conglomerati specie pluries eundem ignem
 ambiret, per tantum fluueret spatii, quantum adquirendo calori
 satis esset. De tempore lavandi ex Cassiodoro refert Mercurialis,
 ante tempora Severi nunquam thermas fuisse ante auroram
 apertas, & semper claudi consuevisse ante occasum Solis,
 ipsumque Imperatorem publicarum thermarum luminibus o-
 leum addidisse, quo & in nocte paterent. De hisce lychnis sic
 Baccius c. 12. lib. 7, *Pro lavationibus nocturnis lychni ænei in*
thermis pensiles erant Græcorum more, angulorum & luminum
unius, duorum, trium, plurium. Veteres autem, ut Seneca
 refert epist. 86, quotidie brachia & crura abluebant, toti pundi-
 nis solum lavabantur, post cœperunt singulis diebus toto
 corpore lavari, idq; paulò ante quam cibus sumeretur, unde
 etiam, ut hoc addam, in stratis dum cœnarent, accumbendi
 consuetudo introducta fuit: maximè verò lavandi tempus à
 meridiano ad vesperam constitutum fuit, propterea quod cum
 semel duntaxat in die saturarentur majores, nullum tempus
 hoc ipso oportunius habebatur, quod circa octavam diei ho-
 ram paulò ante coenam erat; *Nam communiter vir Romanus,*
 inquit Baccius loc. cit. *impransus aut jentaculo primo manè re-*
fectus postquam bonam diei partem impendisset negotiis, mox à
meridie exercitiis & balneo utebatur, à balneo cœnabat opipare:
Ut plurimum itaque prius exercebantur, dein balneum ingre-
diebantur,

diebantur. Fuere autem exercitationum varia genera, quibus præpararentur ad balnea. Plautus in Bacchide de palæstris: *Ibi cursu, luctando, hasta, disco, pugilatu, pila, saliendo se exercebant.* Etiam equi cursu vel agitatu, præcipue verò post parvæ pilæ lusum calidis balneis lavari solitos scribit Galenus in Tract. de parv. pilæ lusu. Alii ambulatione duntaxat ante balneum contenti erant, alii clara lectione vel disputatione in hemicyclis, vel declamatione oratoria, vel cantu musico; hunc itaq; tenorem serè observatum fuissè patet. Primum legitur exercitium, deinde balneum, ubi frictio fiebat & detersio, mox statim frigida lavatio, postea unctio, hinc cibus & potus, ultimò somnus; & Celsus lib. i. c. 4. *Sub ueste primum paululum in Tepidario sudare solebant, tum transire ad Calidarium seu Laconicum, ubi sudabatur largius, tum aut in calidam descendere aut in tepidam, deinde in frigidam.* Et Galenus lib. x. meth: *primum, inquit, ingredientes in aëre versantur calido, hinc in aquam calidam descendunt, ab hac mox in frigidam ibant, & tandem sudores detergebant & ungebantur.*

Cum itaque qui balneas ingrediebantur publicas quadrantem solummodo balneatori darent, idq; commune pretium esset, ut taceam, sæpè Principes balneum sine mercede populo constituisse; eos etiam, ut probat Mercurialis, qui ante **XIV** annum erant, nihil solvisse, non mirum est cum ita viii pretio lavare liceret, nullum hominum genus à publico balneo abstinuisse; sed pueri, juvenes, viri, senes decrepiti, nobiles & ignobiles lavabantur, & ut Baccius l. 7. c. 2. tam senes quam consulares atque amplissimi ordinis viri, nec non artifices & matronæ. Sed præ cæteris Mercurialis l. i. c. 10. *Cytharedos, Praecones, Tragædos, Phonafchos, Comædos frequentare balnea solitos refert ex Galeno lib. 3. de comp. med: quod vocem oblaſtam & assiduis clamoribus exasperatam aquarum dulcium humectatione curabant integrumque servabant.* Nec foemina-
ram

rum tamen lavationes una cum viris semper & ubique promiscuas fuisse credendum est , nam viris eas ingredi ob salubritatem vetitum fuisse interdum constat , sed conjuncta tamen in balneis bina ædificia fuerunt , unum ubi viri , alterum ubi mulieres lavarentur , & ut ex Gellii lib. x. cap. 3. habet Mercurialis , *pudor non patiebatur utrumque sexum simul lavari, sed commoditas conjungi desiderabat.* Sic Hadrianum principem viros discretos à fœminis lavari voluisse , & Marcum Antoninum balnea promiscua sustulisse , eademq; ab Heliogabalo renovata Alexandrum Severum prohibuisse refert Baccius lib. 7. cap. 4. citatque legem censoriam , ut à promiscuis abstinerent balneis , nec mulieres commune lavacrum cum viris libidinis caussa intrarent , repudii & dotis amissionis periculō , & paulò post : *Vir qui thermas mulieribus discretas violenter intrare præsumisset, capite punietur.*

Sed quæ prolixius de Romanorum in thermis gymnasique institutis & consuetudine , ex veterum scriptis curiose collegerunt , quos citavi sæpius , Baccius & Mercurialis , hic prætereo & omitto , transeamque ad reliqua quæ habeo dicenda , ubi paucis tantum tonstrinæ ac oleariæ cellæ mentionem fecero : servabantur autem his locis & odores ad oportunos usus , & præterea barbæ & capillorum cultui vacabant , eratque secundum Baccium hæc pars una ex maximè necessariis , & Mercurialis : qui vel loturi & sese exercitaturi in gymnasium veniebant , majori ex parte spoliabantur in apodyterio , postea horum nonnulli alipterium ingredientes ungebantur , & postquam sese quantum libuerat exercuisserent , ibidem strigilibus detergebantur . Erant autem , quibus strigmenta & fôrdes à corporibus radebantur , strigiles ferrei , vel aurei , vel argentei , vel cornei , vel eburnei , vel ænei , & præter hos balneorum strigiles plerumque etiam spongiæ erant , vel linei ; & qualem quisque proprium secum gerebat , præsertim quicun-

que communia cum aliis instrumenta habere fugiebat. Non nunquam etiam cum inuncti balnea ingressi fuerant, post egressi denuo ungebantur ut plurimum oleo modò simplici, vel oleo cum aqua mixto, ita enim magis lassitudinem tollere putabant, vel oleo variis odoribus condito, Nardino, Jasmino & aliis, quæ apud Galenum recensentur. Ut varia ungventorum odoribus conditorum genera soli lasciviae & libidini inservientia præteream, & Baccius *Nihil erat communius, inquit, quam ut quisq[ue] lotus simplicis saltem olei unctione ute-retur, tum ut sudores inhiberet, tum ut ab aëris injuriis sese vindicaret;* quæ confirmat Mercurialis, dum ungi solitos asserit, ne venti corpora aperta ingrederentur: neve sudore difluerent; & ex Hippocrate citat, athletas perungi conservasse, ut membra emollita labores sine rupturæ ullius periculo sustinerent. Et paulò post: *Quæ post balnea adhibebantur unctiones, nemo dubitat inservuisse, ne humiditas in balneis acqui-sita evanesceret, neve reseratis à balnei calore meatibus nati-va caliditas exspiraret.* Hunc autem sese inungendi modum quanquam Plinius lib. 15. c. 4. Græcorum inventum appellare videatur, dum *Græcos vitiorum omnium genitores, oleum pri-mùm in gymnasia invexisse* dicit, & Anacharsis Scytha suæ gentis moribus insolitus ostendisse videtur, cum illud *insa-viae pharmacum* appellaret, quoniam eo peruncti athletæ insannirent; hunc tamen morem apud alias gentes etiam viguisse vel illud probat, quod idem Plinius lib. 2. c. 41. testatur apud barbaras nationes pro ungendis corporibus butyrum vel, ut appellat spumam lactis in usum fuisse. Et Galenus asserit c. 14. lib. 3. de Alim: Fac: *quod homines in plerisque frigidis regioni-bus, in quibus oleo carent, in balneo butyro utantur.* Denique quod fricationes attinet, quæ ad majorem unctionis penetra-tionem, vel etiam absque unctionibus fieri solebant, de eo nihil certo definitum invenire sese scribit Mercurialis. Sed &

hunc

hunc morem, ut & pleraq; alia antea recensita, & frequenter in Romanorum thermis adhiberi solita, nec tamen ab iis propterea primum inventa fuisse, patet ex Celso lib. 2. cap. 14. *De frictione multa Asclepiades tanquam inventor ejus posuit in eo volumine, quod Communium Auxiliorum inscripsit: oportet autem neque recentiores viros in his fraudare, quæ vel repere- runt, vel rectè sequuti sunt, & tamen ea quæ apud antiquiores aliquos posita sunt, auctoribus suis reddere; neque dubitari potest, quin latius quidem & dilucidius, ubi & quomodo frictione utendum esset, Asclepiades præceperit; nihil tamen reperit, quod non à vetustissimo auctore Hippocrate paucis verbis comprehensum sit: qui dixit, frictione, si vehemens sit, durari corpus: si lenis, molliri: si multa, minui: si modica, impleri.* Et hæc quidem de Romanorum lavandi moribus haec tenus, quibus melius intelligendis lavacri Romani formam è Mercuriale lib. 1. c. 10. delūmtam seu adumbratam potius & sicuti reliqua hujus dissertationis extremis suis saltem lineamentis descriptam sagaci lectori, ad illa melius intelligenda quæ ante dicta sunt, in calce hujus dissertationis offero.

Sed relictis Romanis, ad alias jam orbis gentes transiens pauca quædam & breviter referam, & quidem de Turcis primò, ad quos sicuti fatis volentibus potentissimum in Asia Romanorum imperium devolutum fuit, ita non dubitandum est, quin apud eosdem plurima etiam in his rebus vestigia reperi- antur, quod & luculenter confirmant, qui de horum consve- tudinibus institutisque scripserunt auctores, ex quibus patet, insolentissimam licet nostris moribus gentem, lavationis tam- men in conservanda valetudine corporis usum non minus ac nos agnovisse. Idq; non viri solummodo sed & fœminæ quam maximè, quibus optimè convenit quod de suis Martialis olim dixit, dum *Romana fæmineis dilecta catervis balnea* adpellat. De his autem Arveyillius itiner. Turc. c. 21. quæ

contractiora h̄ic dabo: **Constantinopoli** ut & in aliis Muhammedicis urbibus & provinciis, tam in Gracia, quam Asia & Africa, magnus reperitur thermarum magnificarum numerus, passimque columnis tabulisque praeclarè ornata, soloque ex variis coloris marmoreis crustis artificiose strato, non privatim modò in Seraglio, sed & publicè visuntur. Et, quæ illustrandis supradictis inservire puto, sic constructæ sunt hæ thermæ, ut duobus præcipue ædificiis constent, rotundis & dimidiæ sphæræ instar, fornicate testo superne clausis; ubi primum locum intraveris, in uno angulorum observabis fornacem more Germanorum ædificatam, ad linteal calefacienda vestesq; siccandas lavantium, tum in medio cameræ fontis scatetra marmore constructa adest, & præterea disposita sedilia aulæis cooperta Turcicis, ubi loturi deponant à capsariis servandas vestes suas, quas adituri balneas quam pretiosissimas ornatissimasque induunt. Sic nudi linteo tamen cæruleo subligati sudarium intrant, ut sudent, unde postea egressis aperiatur balneum, estq; locus priori altior & spatiösior, superne lumen plenum rotundis fenestris admittens: Hic etiam scaturigo similis priori aquam plurimam abunde profundens; adstat marmorea oblonga mensa, cui postquam in labro quodam è marmore vel porphyrite satis te lavasti, adstantes balnearii servi primum te imponunt, tum artus omnes variè extendendo flestoque, postea etiam superadstans Turca membra fricando palpandoque totum corpus percurrit. Et sic ad cameram quandam exilem, sed quantum opus est, calefactam deducit, ubi de novo panno quodam duriori manui chirothecæ instar induto corpus perficit, abluitque calida frigidaque diversis profluente fistulis inter se temperata, æneoque vase damascenato superfusa. Tandem & pedes pumice purgat, crines radit novacula, & ubi novacula minus commodè adhibetur, unguento quodam psyllothro istis regionibus utriq;

sexui usitatissimo, Rufina dicto, depilat; quibus peractis ad
 vester reassumendas corpusque exsiccandum redi primum in
 locum, solutoq; capsariis pretio discedere licet. Et hæ qui-
 dem thermæ cujuscunque generis vel religionis hominibus,
 sed præcipue Turcis, Mauris, Apostatis frequentissime patent.
 Sicuti & fœminarum balnea (diversa à viris, nec temerè ab
 iisdem intranda) non minori frequentia adeuntur: cum semel
 in septimana lavare omnibus sit receptum, ter vel quater et-
 iam plerisque non insolitum, ubi vel à mulieribus ad id con-
 stitutis lavantur, vel hanc sibi invicem mutuam operam præ-
 stant. Videre licet, inquit Arvevillius lib. 22. fœminas Turci-
 cas Græcasque X sèpè vel XII ad thermas tendentes, occultato,
 ut solent, vultu incedentes, & secum ænea quedam vasa defe-
 rentes, quibus & insideant in balneo, & ubi domum redeant
 linteæ, & que alia secum ferunt, includant, sequentiq; à tergo
 vetula ancilla capite gestanda tradunt. Ex hac itaque con-
 suetudine familiari, in balneis scil: invicem lavandi abluendi
 que præcipue oritur, inquit auctor, illa, quam nos miramur in
 orientalibus fœminis concordia & dilectio; adeo etiam, ut te-
 ste Busbequio, non minori inter se interdum amore succédan-
 tur, quam apud nos adolescentum animos virginæ vultus com-
 movere solent. Itaq; non mirum diligenter frequentari ther-
 mas ab hisce hominibus, cum tot sint quæ invitent, mundi-
 ties, sanitas, superstitionis, divagandi libertas, denique & volu-
 ptas; quantâ enim cum cura fœminas viri custodiant, ut ne
 fenestras quidem illis publicas spectantes vias relinquant, re-
 fert Busbequius: & superstitionem probant quæ apud Zwin-
 gerum relata reperi: Turcae triplici lotione ad orationem se-
 præparant, prima Zeoargimeg vocatur, estque perfusio totius
 corporis: altera Cachriat dicitur, quæ illis necessaria est cum
 vel alvum deponunt, vel flatus erumpunt, tertia Abdas dicitur
 quinque sensuum organis dicata. welche wtwendighe was-

singe, Arveyillius inquit, dese plompe beesten in grooter weerd houden, om de inwendige wasinge vander ziele ende conscientie sich weinig bekomrende. & Busbequius: *Summa apud Turcas mundities, sterquilinea & alia purgamenta defodiunt, aut à conspectu amovent, sordesque instar piaculi aversantur, magis etiam quam animi impuritatem.*

Ex quibus concludo, lavandi consuetudinem hic non tam ex imitatione Romanorum introductam, postquam eorum civitates occupassent; sed & longè antea ex veteri more, primisque Saracenicae superstitionis institutoribus obtinuisse, vel naturali potius, quo omnes homines ad hoc feruntur, instinctui, sui veram debere originem crediderim.

In Algerii descriptione auctor *anonymus* refert balnea ibidem plurima esse, sed duo structuræ magnificæ, majus Asfanbassæ, alterum Mahomedis opus, utrumq; marmore stratis cubiculis (credo ubi loti per unam vel alteram horam cubent pro leni sudatione, vid. Langii epist: med: lib: i. ep. 50,) instructum, quo aqua etiam tum calida tum frigida per tubos diversos defluit. Et Tuneti idem scribit balnea majora quatuor, minora CLVI reperiri.

De Persarum veterum consuetudine supra habuimus: & hodiernos etiam eorum mores, quoniam à Turcarum tum religione tum institutis aliis parum absunt, eos a balneorum itidem usi minimè abhorrere putandum est: Struifius in itin: Persico testatur: *Mijn Meester, niet tegenstaande hy een Prince was, soo bestondt echter sijn grootste, en meeste inkomen uyt het houden van Badstoven, waar van hy drie had; een in Derbent, een in Scamachy; en een in Ispahan: dese kosten hem den eene dagh door den ander, yder ten minsten 10 Rijexdaalders opbrengen.* & paullo post: *De Badstoven hebben werk van 't krieken van den dagh, tot aan der Sonnen ondergang. Van's morgens tot 's middaags is het der Mannen, en daar na der Vrouwen beurt.*

Quod

Quod Ruthenos attinet: *In urbe Moscua*, inquit Struis, tum aliis locis circumjacentibus plurima sunt balnea, tum privata tum publica utrique sexui communia, ubi nudi & promiscue ingrediuntur, vel obtecti frondium fasciculo, quo calida aqua macerato membra postmodum confricant; præcipue cum super sudatorio scamno cubant, ubi quantocunque calore sese assaverint, non tamen cunctanter sese frigidæ immergunt, sed nudi extra balneum procurrantes, nec oculos exterorum mirantium, nec aëris injuriam morantur. Et paulò post: *Balneatores Germani Moscuam incolentes, & aquam quâ lavant herbis floribusque odoratis inficiunt, ministrisque ancillis utuntur, & è balneo exeuntes lecto excipiunt, ubi sudent ulterius, tum hydromele refectis cibos offerunt.* Et qui nuper scripsit, Klenkius itin: Mosc: plurima Moscuae balnea sunt tum virorum, tum fœminarum, interposito pariete, secreta ab invicem.

Ad vicinos transeo, in quibus ero eo brevior, quo magis est supervacaneum in re vulgo notissima describenda immorari. Balnea verò in hisce terris & olim frequentia fuisse, & utrique sexui communia refert Honorius. Taceo nuptialium balnearum ritus, quos Olaus Magnus refert, qui etiam de Oelandis, Alandis, Gothlandis memorat, eos mari frequenter lavari solitos, hinc natatores fuisse & urinatores egregios. De Fennis refert Nob: Vexionius in descr: Svec: obstetrices. Fennicas infantes recens natos calidissimo balneo inferre, ibique editiori loco virginis frondiferis cedere, donec cutis rubescat, eodemque modo puerperas tractari; omnes denique Fennos balneis frequentissime uti, ac inde exslientes vel intensissimo frigore aquas nive mixtas è rivo aut mari haustas nudo corpori alacres & ridente vultu superfundere.

Sed mitto notissima & transeo ad exterros. Germanos olim infantes Rheno lavasse refert Tacitus; sine dubio quod ad corporis valetudinem id expedire crederent, quod etiam de

de Britannis memorat Cæsar; unde Virgilius cecinit:

Natos ad flumina primum

Deferimus, sævoque gelu duramus & undis.

Et

& Tacitus: *Germani raro balneis calidis, fluminibus sapissime lavabant* (calidam ex eo forsan negligebant, quod nimio calentium aquarum usu relanguescere corpora crederent, quod & innuit princeps medicorum Hippocrates aph: 16. sect: 5. *Calidum*, inquit, *ubi quis sæpius eoutatur hæc mala ad fert: carnium effœminationem, nervorum incontinentiam, mentis torporem: Germani verò si lavarent balneis, calida abluebantur, lotique vescebantur.* De hodiernis verò moribus nemini non notum est, quantâ Germanis frequentia balnea celebrentur; nisi forsan maritimos quosdam Germaniæ inferioris tractus ex cipiam, aquâ purâ lignisque ad focum necessariis minus abundantibus; de hisce verò Germanorum balneis nimis superciliosè Baccius: *quidam, inquit, ex Germania Scriptores prostant, qui suas Stuphas* (sic forsan dictas, quod stipata conclavia essent) *in locum thermarum substituere ausi fuerunt. Verùm* (ut Poëta dixit) *Sic canibus catulos similes, sic maximis minima.* Et paulo post: *Sunt autem Stuphae istæ publicæ vel mercenarie potius tonsiræ modo, ubi lavantur & sudant, suntque promiscuae omnibus, tam ægris, contagiosis, quam sanis, ex quo promiscuo concursu, præsertim quando morbi grassantur contagiosi, aut posteaquam venera lues adeo invaluit, non potest non periculum maxime imminere, præcipue detersis non bene ligneis parietibus, & præterea ubi rarior est fontana aqua, perpetuoque recens & clara, sæpius putealis quæ cruda esse solet & cutem exasperat.* Et rursus Baccius: *Stuphae ipsæ insuper angusta & tenebricosa omni commoditate carentes, & omni delicia, adeoque noxiæ multis & invisa potius quam grata ac utiles.* & paulò post addit: *bic cornua quedam scabiosis applicantur ad trahendum è cute sanguinem,* & paulò post: *fustigandi*
essent

essent Stupharioli isti, qui pro sua avaritia, & ut plures recipiunt obulos, tot sèpè adplicant cornicula, ut misellos exsangues sibi ad pedes cadere videant. Et lib: 2. in Germanorum mores rursus invehens, plane quasi Germanica corpora non pro tolerantia propria, sed prout visum fuerit homini Italo lavari deberent: *In Germania*, inquit, *cubant in balneo diutius, quod Plinius tamen damnat, imò sunt, qui accommodata in balneo ipso mensa opipare cum sodalitiis bibere soleant, epulari, ludere tota die, additque antiquum hoc esse huic regioni, & Carolum Magnum, qui Aquisgrani thermas diutissime frequentavit, consueuisse omnis generis homines secum in balneum ducere, ibiq; allatà aliqua confabulandi materia, longam moram trahere.*

Sed præterquam quod de hoc Imperatore laudatissimo Æginardus, quem Zwingerus citat, honorificè magis scribat; *Carolus Magnus animi laxandi caussa calidis balneis delectabatur, iisque utebatur sapius, crebroque natatu se exercebat, cuius adeo peritus fuit, ut nullus ei justè preferri potuerit, unde & ad Aquas graneas regiam exstruxit, ibique extremis vita annis usque ad obitum continuè habitavit.* Ipse etiam Baccius noster, dum lib: 7. c. 18. modum præscribit, ad quem Germanorum lavandi ritus emendari vult, nihil quidquam adfert, quam quod & notum vulgo sit, & usu receptissimum. *Nos itaq; inquit, deliciosis illis Romanorum Sudatoriis destituti, primùm his, quibus sudare opus fuerit, exercitium injungemus (h. e. ut interpretor, conservata cuique negotia exercitii genus sunt commodissimum) postea in tinam calidam, calido item & stipato cubiculo demitteremus, exinde in lectum proximum bene constratum & calefactum ducemus, ubi & largè sudare de terfo interim madore, aut etiam dormire, ut copiosius sudet jubebimus. Cum vero is in naturalem habitum rediisse visus sit, in solium frigidum mittemus, vel multa frigida perfundemus,*

vel tepida si horruerit primo frigidam. Hinc mollibus linteis detersus dulci oleo aut butyro, ubi olei copia non sit, leviter perungi poterit. Et ubi sic ad pristinam mediocritatem rediisse visus fuerit, cœnet, & tum interposito ad minimum duarum horarum spatio ad somnum se convertat.

*Verum mislis tandem hisce, paucis, quæ restant, absolvam, vereor enim, ut Lectori benevolo prolixitate mea tædio sim, me certè evolvendi citandique labor jam dudum defatigavit. Eò itaque jam ero in adducendis Medicorum testimoniis brevior. quò magis est superfluum paucorum auctoritate ad ea perি঵adenda velle uti, quæ gentium consensu jam dudum ubique recepta sunt; vel rationem utendi ad certas præscriptiones regulasque medicas reducere, cum jam ante abunde descripta sit, sive ad corpora mundanda, sive emollienda, sive ad levandam laßitudinem, sive somnum conciliandum; sive etiam ob solam voluptatem balneis uti velimus. Vel denique in utilitatibus balneorum fastidiosa prolixitate describendis morari, quas Galenus brevissime complexus fuit, cum temperati balnei commoda recensens, *Balnea*, ait, *aperire poros, sudorem policere, sitim sedare, somnum provocare, mundare atque purgare cutim, sordemque omnem ex illa detergere, humectare corpus, adjuvare coctionem tertiam, corpus impinguare, gracilibus prodesse & claram vocem efficere.* lib. 3. art. cur. Unicum tamen discutiam, quod vulgi sermonibus ad stipulantibus interdum Medicis quibusdam, usurpari solet, aquarum scilicet humidique frequentem usum catarrhos in humanis corporibus producere. Intelligunt autem per catarrhum Medici vulgusque non solummodo humoris lymphatici, postquam ejus vasa & concretæ viæ fuerunt obstructæ, ē capite in subiectas partes sensibilem delapsum, unde versiculus:*

Si fluit ad pectus dicatur Rheuma catarrhus.

Ad fauces Bronchus, ad nares esto Coryza.

Sed & generaliter illis denotat omnem etiam aliū, ut appellant fluxum ad partes solidas, ad articulos juncturasque membrorum e cerebro, tanquam pituitæ metropoli, per cœcas & occultas vias delatum. vid. Sennertus cap. de Catarrho. Evidem hunc morbum à veteribus nobis non tuisse satis adcuratè descriptum, vel ex solo imposito nomine adparet, cum Græci Catarrhum &, quod idem denotat, Defluxionem Latini appellarent, quasi non omnis animalium vita in perenni ac non interrupta sanguinis humorumque defluxione ac motu confi-

steret? Sed quanti in omni medicina momenti sit Harveiana illa circulantis sanguinis demonstratio, vel quod non minorem meretur laudem, si sedulò intentèque ad eandem in rimandis naturæ phænomenis respiciatur, hoc quidem loco non operosius ostendam. Quod verò defluxionum harum originem humiditatem fecerint, puramque aquam inter morborum causas retulerint, ad illud quidem credendum illorum auctoritas me non adducet. Sicut enim extra omnem dubitationis aleam jam dudum à Medicis positum est, præternaturalem relaxationem &, ut receptis formulis loquar, viscerum tonum vitiatum inde oriri, quod obstructiones variæ in angustissimis tubulis, permeanti omnia spiritui circulantibusq; humoribus, obicem aliquando ponant, ita jam obsecro, quomodo aqua pura vel intus adsumta, vel adhibita exterius humiditate sua obstruere vel hæsitare alicubi posset, cuius tantæ sunt exilitatis particulæ, ut nullo adhuc microscopio detegi potuerint. Quæ enim nocumenta vel adjunctum aquæ frigus, in solitam introducendo contextui fibroso contremiscientiam, adferre posset, vel etiam coagulando gelatinosos humores, obstructiones cauare: illa non majori jure aquæ adscribuntur, quam ubi conjunctus interdum calor rarefactos nimium humores minus tenues in angustias solidarum partium dedit, ut ibidem hæsitantes elici vel excuti postmodum inde nequeant. Evidenter libenter fateor in corporibus perfectissima sanitatem non gaudentibus, qualia plurima pars hominum habemus, occultas morborum mineras & fermenta topita per calidas lavationes excitari interdum, ut sentiantur vel manifestentur, thermasque adeo corporis integritatem & conservare & probare; quis autem inde inferre vellet, illa propterea culpari debere. Nam sicuti immedicabilia mala, non esse excitanda libenter agnosco; ita etiam, si quæ est aliarum intemperierum rationalis & verè medica cura, illam non sopiendo, sed alterando, non mali latentis sensum tollendo, sed malum illud ipsum vel digerendo, vel educendo, tentandam esse ab iis, quos sequor, accepi. Quantum verò faciant ad omnes ferè obstructiones tollendas, adeoque morbos innumeros, qui suam iis originem debent, medendos, balnea vel inde patet, ut ad auctores citandos rursus regrediar, quod non aliam legamus fuitse Romæ medicinam DC annis, quam balnea, ut auctor est Plinius lib. 29. c. 21. & inspiciantur si placet quæ censuit loco cit. de Græcis Medicis Cato: Baccius certè asserit c. 13 l. 7. quæ hodie *graſſantur frequentissime scabies, impetigines, lepra atque alia bujus modi, cutim*

deturpantia vitiis, perrara antiquis fuisse, purgamentis id genus sanguinis, per balneas quotidie dissipatis.

Itaq; cum Hesiodo, nil aquâ melius mortalibus datum fuisse meritò adserimus, in cuius veras laudes si me hic effundere vellem, quis foret orationi exitus? animalium certè conservandæ vitæ quidnam aliud dari potest accommodatius, quam id, quod à primo eorum exortu, per corpora fluere convevit; nam quanquam in aëre vivamus, ex aqua tamen progeneramur; & ut de prima origine mundi traditaq; nobis divinitus creationis historia nihil quidquam dicam, certè & in hunc diem omnes animalium fœtus, intra suas matrices circumfuso innantes colliquamento, quid aliud quam tepido quodam, & foventur & vegetantur balneo? Hinc etiam Ægyptios aquam olim ut Numen adorasse, eamque veluti sacram in populum conspergere solitos fuisse prohibetur. Romæ etiam aqua Mercurii dicta ante portam Latinam in populum conspersa, criminis abluere putabatur, qui locus, teste Baccio, ad tollendam superstitionem gentilium, recte Sancto Johanni Baptista fuit postea dedicatus. Hinc balnea & olim Neptuno dicata, vel Naiadibus vel Nymphis, & postea Sanctis in eorum locum à Pontificiis surrogatis, Sanctæ Mariæ, Sanctæ Luciæ, Sanctæ Helenæ, Sancti Christophori, Sancti Georgi cognomina acceperunt, ut pluribus idem refert cap. 18. lib. 16. Sed abrumpo, ne dum immoderatius laudes aquæ limpidæ prosequor, mihi reponatur, quod olim Sophistæ cuidam Laco regessit cum enim Herculis encomium prolixis à se laudibus conscriptum recitare vellet, alter false respondit:

Quis illum vituperat?

